

فيديو # ١١٤ من مقاطع حظر التجول تدبر سورة النور # ٤

الآيات ١١-٢٠

فاضل سليمان

السلام عليكم ورحمة الله وبركاته. اهلا بحضراتكم في المقطع رقم آآ ربعمية وحداشر من مقاطع حظر التجول والحلقة الرابعة من حلقات تدبر سورة النور الليلة توافق ليلة السابع والعشرين من رمضان - [00:00:06](#)
والتي آآ يعني بالتجارب واراء بعض العلماء انها آآ قد هي تكون اكثر ليلة او ارجى ليلة في ان تكون موافقة ليلة ربنا يجعلني واياكم منم بلغ آآ بلغهم ليلة القدر وتقبل منهم - [00:00:32](#)

وما ننسوش في ليلة زي دي انكم تدعوا لاخوانكم في فلسطين اللي واقفين على ثغر من ثغور الاسلام وحدهم من غير ما ما يكون واقف معهم في في الدنيا كلها. لكن هو معهم ربنا. عشان كده هم اقوى - [00:00:50](#)
من عدوهم هاتوا المصاحف سورة النور كاشفة بتكشف للقاري المتذمر الى اي درجة النفس الانسانية ممكن تنحط واللطيف انها عملت كده بالتدريج ففي اول الامر ذكرت الانسان اللي مستعد انه يتجاوز الخطوط الحمراء ويدخل في علاقة خارج نطاق الزواج - [00:01:06](#)

الزواج اللي ربنا حدده آآ لاشبع الشهوة فده موضوع الاية اتنين الزانية والزاني كلنا فاكرين اية اتنين تشددوا كل واحد منها مائة جلدة. طيب ثم اخذتنا لمستوى اكثر انحطاطا وهو الانسان الذي يقذف المحسنات - [00:01:37](#)
تبقي الواحدة قاعدة في حالها وبتتشتم او تتهم في شرفها من انسان مستهتر وممكن يكون بيهرز يعني واحد بيهرز مع واحد صاحبه فيشتمه بالام هذا انحطاط ده موضوع الاية اربعة. والذين يرمون المحسنات - [00:01:56](#)
ثم مستوى اخر اكثر انحطاطا. وهو رجل مستعد انه يفترى على زوجته ويتهماها بالزنا وده موضوع الاية ستة اللي خدناه امبراح والذين يرمون ازواجمهم ولم يكن لهم شهداء الا انفسهم. طبعا كل حالة من دول - [00:02:16](#)
ممكن يكون فيها انسان صادق ولكن انا بتكلم عن غير الصادق في حالة الكذابين الصورة في الحالة دي لو الناس اللي بتدعى اللي بتقذف المحسنات او بتدعى الزنا على على على زوجاتها او كده - [00:02:33](#)

لو كانوا كذابين في الحقيقة يعني السور عمالة تدرج بنا الانحطاط بتاع النفس الانسانية لغاية ما وصلت لقمة بقى الانحطاط دلوقتي زي ما هتشوفوا النهاردة قمة الحضيض اسمها قمة الحضيض. الحضيض - [00:02:53](#)

منتهى الحضيض هيتهموا ام المؤمنين بالزنا يعني قزف محسنات لكن كمان ضد زوجة النبي صلى الله عليه وسلم خلونا نعرف القصة بسرعة وبعد كده نقرأ الآيات اللي نزلت تبرئ ام المؤمنين عائشة رضي الله عنها وارضاها - [00:03:14](#)

في السفر او في الغزوالت النبي صلى الله عليه وسلم كان يقرع بين نسائه. يعني يعمل قرعة بينهم اللي تطلع قرعتها تيجي معه في السفر غزوة بنى المصطلق السيدة عائشة كانت هي اللي كسبابة القرعة وطلعت معها في غزوة بنى المصطلق - [00:03:38](#)
وده كان بعد فرض الحجاب على امهات المؤمنين. الحجاب يعني نقاب. عشان تبقو عارفين. يعني كلمة الحجاب في اللغة معناها الغطاء الكامل مش معناها الحجاب بتاع النهاردة اللي بيتسمى حجاب - [00:03:58](#)

آآ يعني مش معناها غطاء الرأس. غطاء الرأس اسمه خمار وكانت النساء في السفر بتجلس في حاجة اسمها الهووج زي خيمة بتوضع فوق الجمل فالمرأة لا تزهر منها وهي قاعدة تبقى قاعدة براحتها فوق الجبل - [00:04:13](#)

جوة الخيمة دي المهم الجيش وقف يستريح والسيدة عائشة مشيت بعيد عن الجيش لتقضى حاجتها يعني علشان يعني ايه آآ يعني الحاجة الطبيعية اللي اتولدت يعني فكان لازم تبعد اووي - [00:04:33](#)

ورجعت والجيش استعد للرحيل دخلت جوة الهدوج بتاعها واكتشفت ان العقد بتاعها مش معها تعمل ايه ؟ راحت نازلة بسرعة وطلعت تجري وراحت على المكان اللي قضت فيه الحاجة بتدور على العقد بتاعها - [00:04:54](#)

في الطريق ماشية بتبعص في الارض احسن يكون وقع في الارض وهي راجعة نفس الكلام ان ممكن يكون وقع في الطريق مش بالضرورة وقع في المكان اللي خدت فيه الحاجة - [00:05:15](#)

في الوقت ده الجيش اتحرك والفلمن شالوا الهدوج وحطوه فوق الجمل وهم فاكرین انها داخل الهدوج هي بتقول ما حسوس بها لان وزنها كان خفيف. وبتقول وقتها ما كنتش لسة تخنت وتقلت - [00:05:27](#)

فالهدوج وهو فاضي ما يختلفش كتير عما لو كانت هي جواه مش هيحسوا بالفرق يعني. لانها كانت ساعتها لسه ايه يعني رفيعة رجعت لقت الجيش مشي والسيدة عائشة زكية عارفة انها لو مشيت عشان تلحقهم ممكن تتوجه بالليل في الصحرا - [00:05:46](#)

وتبقى مشكلة لكن لو قعدت مكانها هم عاجلا او اجلا هيكتشفوا انها مش موجودة في الهدوج فهيرجعوا يدوروا عليها واكيد هيرجعوا لآخر مكان فيه اللي هو مكان الجيش اللي كان معسكر فيه - [00:06:08](#)

فقطت مكانها وقالت مش هترجع من هنا. لغاية ما هم يرجعوا لي ونم الفجر كده صحابي اسمه صفوان ابن المعطل. شغلته انه يمشي ورا الجيش عشان لو حد وقع منه حاجة بيلاقيها وكمان لانه - [00:06:25](#)

بيحمي ضهر الجيش يعني لو فيه جيش اخر او فرقة بتستعد لتهاجم الجيش من الخلف هو بيشفوها وبينطلق ليحدِّر الجيش بسرعة هو شغلته انه يمشي ورا الجيوش السيدة عائشة قالت - [00:06:46](#)

استيقظت على استرجاعه يعني استيقظت عليه وهو بيقول انا لله وانا اليه راجعون ظعينة رسول الله يعني زوجة الرسول عليه الصلاة والسلام نايمة في الصحرا لوحدها انا لله وانا اليه راجعون. دي صحيت على استرجاعه الاسترجاع - [00:07:07](#)

يعني آآآ قول الله انا لله وانا اليه راجعون وركبها الجمل. اناخ الجمل بتاعه ونزل من عليه وركبت هي الجمل وهو مشي امام الجبل لا يكلمني ولا اكلمه ما بيتكلمواش مع بعض - [00:07:25](#)

ماشي يذكر الله طول الوقت ولحقوا الجيش بالفعل الحمد لله مين قاعد وشایف الكلام ده رأس النفاق عبد الله بن ابي بن سلول عشان تبقوا عارفين عبد الله بن ابي بن سلول ده اعلن اسلامه المفروض ان هو مسلم - [00:07:46](#)

يعني المفروض من الصحابة لكنه كان يكره الاسلام والمسلمين جدا لان وقت ما الرسول عليه الصلاة والسلام جه المدينة والامور السياسية تغيرت في المدينة واصبح الرسول عليه الصلاة والسلام هو زعيم المدينة في الوقت ده - [00:08:06](#)

قبل الهجرة على طول كانوا بيصنعوا له تاج عشان يتوج ببقى ملك المدينة. ملك يثرب كل ده راح منه بالتغييرات السياسية الجديدة اللي حصلت في المدينة بعد هجوم الرسول عليه الصلاة والسلام والصحابة - [00:08:22](#)

المهم هو كان بيظهر الاسلام ويبطئ الكفر لزلك هو مش منافق هو رأس المنافقين شایف المنزد ده صحابي جاي بيجر جمل وفوق الجمل السيدة عائشة راح قايل ايه من هذه - [00:08:41](#)

مين دي هو عارفها هو بيلفت نظر الناس لها قالوا عائشة قال والله ما سلمت منه ولا سلم منها مين استلم الكلام ده ومشي يشيعوا اجهزة اعلام المنافقين تلتلمية وسبعين رجل وامرأة في المدينة كانوا منافقين. ده عدد رهيب - [00:09:03](#)

ده تقريبا تلت مجتمع المدينة يعني المسلمين في الوقت كانوا سبعين يعني نص عدد المسلمين تقريبا قد نصف عدد المسلمين منافقين يعني بيزهروا الاسلام ده معناه انهم بيحضروا الجمعة وبيحضروا كمان بعض الصلوات في اليوم وبيروحوا يصلوا في المسجد معهم لكنهم في حقيقة الامر - [00:09:29](#)

كفار ده بيطلوا كمان في الغزوات بيطلوا في الغزوات السهلة علشان بقى لهم نصيب في الغنائم فاللتلمية وسبعين دول يعني يمثلوا تقريبا تلت المدينة ربعة المدينة حتى لو دخلنا اليهود معهم بقى ربعة المدينة - [00:09:56](#)

فهي قوة اعلامية لا يستهان بها بدأ الكلام يسري بين الناس. وللاسف بعض المسلمين بعض الصحابة ردوا هزا الكلام بدون وعي لخطورة هزا الكلام التلاته اللي السيرة ذكرتهم هم حسان ابن ثابت - [00:10:14](#)

ومسطح ابن اثناء آآ قريب سيدنا ابو بكر وحمنة بنت جحش اخت ام المؤمنين زينب بنت جحش التلاته دول وقعوا في عرض السيدة عائشة يعني اتكلموا عنها طيب كل ده والسيدة عائشة ولا دريانة باي حاجة بتحصل ولا باي كلام بيقال - [00:10:37](#)

شائعات عمالة تدور في المدينة شهر كامل بتتردد وهي ولا هي هنا ولا دريانة وفي الوقت ده سيدنا جبريل توقف عن النزول. شهر كامل الوحي انقطع لذلك ده يعتبر اكبر زلزال اصاب المجتمع المسلم. اقوى من الزلزلة اللي حصلت نتيجة حصار الاحزاب في غزوة الخندق. ده - [00:11:05](#)

ده زلزال اكبر ضرب المجتمع المسلم ام المؤمنين زوجة الرسول عليه الصلاة والسلام بنت ابو بكر الصديق تتهمن في شرفها وكمان مع احد اجلاء الصحابة اللي بدر فده كتير جدا الحقيقة على المجتمع انه يتحمل كل الكلام ده - [00:11:35](#)

في واحدة اسمها ام مسطح بتزور السيدة عائشة خرجوا مع بعض يروحوا الخلاء زمان ما كانش فيه آآآ تواليات جوة البيوت. فكان فيه منطقة برة بعيدة كده في الصحراء يخرجوا عندها ويقضوا حاجتهم - [00:12:02](#)

لو هم ماشيين المرأة اتكلبت في مرتها. يعني اتكلبت في ذيل الفستان بتاعتها ولا العباية بتاعتها وكانت هتقع وهي بتعرض يخرب بيتك يا مصلح تعس مسطح يعني زي يخرب بيتك يا مصلح. ابنها - [00:12:24](#)

السيدة عيشة تحجمت وليد بتتكلم كده عن ابنها وبعدين ابنها مش سقنة. ابنها ده واحد من الصحابة اللي شهدوا بدر يعني مش مش سهل ان حد يقول كده قالت لها انت ازاي تقولي كده على مسطح - [00:12:50](#)

قالت لها وانت ما تعرفيش لا ما اعرفش هو في ايه انت مش حاسة بحاجة غريبة؟ الناس اللي حواليا كلهم بيتعاملوا مع بطريقة غريبة بقى لهم مدة بس انا مش فاهمة فيه ايه. قلت لها اسمعي يا ستي وحكيت لها الحكاية - [00:13:07](#)

السيدة عيشة كانت مزهولة قالت انا ملاحزة ان النبي عليه الصلاة والسلام متغير بقى له مدة كلامه رسمي معی مش مبتسنم زي زمان مهموم ومتضايق وما كنتش فاهمة ليه طبعا ده معناه ان النبي صلى الله عليه وسلم - [00:13:29](#)

كان بيحمي نفسية زوجته هو كان شايل الهم وما بيقولهاش وبيجي على نفسه ويكتم في نفسه عشان يحميها هي ويحافظ على حالتها النفسية طلبت من النبي صلى الله عليه وسلم قالت له انا معلش هاسيب البيت ورايحة عند بابا وماما - [00:13:52](#)

اين لي اروح ايه هاقدر عند والدي انا عايز اسألهم عن حقيقة ما يقال. انت مش راضي تتكلم مش راضي تقول لي حاجة. انا عايز اعرف ايه اللي بيحصل وكمان انا تعبانة وهقد معهم لغاية ما اخف - [00:14:15](#)

النبي قال لها اتفضلي اسمع بقى من هنا النضج الشديد اللي عند السيدة عائشة. اللي بيقولوا عليها صغيرة وكانت صغيرة على الجواز شف النضوج الشديد اللي عندها راحت لامها سألت ايه اللي بيحصل يا ماما؟ - [00:14:28](#)

قالت لها يا بنتي ما فيش شابة متتجوزة من راجل بيحبها ولها ضرائر الا ولازم يطلع عليها كلام فما تاخديش في بالك ده شيء طبيعي غيره ستات بيغيروا منك الكلام ده ما دخلش على السيدة عائشة - [00:14:47](#)

قالت ده ده حديث في البخاري وقلت سبحان الله اولقد تحدث الناس هكذا او بهذه؟ يعني هو الناس فعلًا اتكلموا في الكلام ده انت بتؤكدي ان الناس اتكلموا. وبص بتقولي لي انهم بيتكلموا عشان انت اصلك حلوة وجوزك بيحبك فغيرة ستات. اه ازا بيتكلموا - [00:15:02](#)

اتأكدي ان فيه الكلام ده مزبوط اللي قالت له ام مصلح ابوك يا ام مصلح عايز يكون ما بتقول اي كلام ولا بتتألف عارفين الشعور ده صعب عليها يعني قد ايه - [00:15:25](#)

مش صعب هي صعب عليها حصل لها صدمة في الناس اللي كانت بتثق فيهم قالت فبكية تلك الليلة حتى أصبحت لا يرقا لي دمع ولا اكتحل بنوم ثم أصبحت ابكي - [00:15:39](#)

لا يرقا لي دمع يعني بكائي ما بيقفش. دموعي ما بتقفلش ولا اكتحل بنوم يعني النوم ما جاش جنب عيني والصبح طلع علي وانا لسة

عمال ابكي فبكى تلك الليلة حتى اصبحت لا يرقا لي دمع ولا اكتحل بنوم ثم اصبحت ابكي - 00:16:02
النبي صلى الله عليه وسلم انقطع عنه الوحي. شهر كامل ما بيجيلوش سيدنا جبريل خلاص اذا قراراته دلوقتي مبنية على اجتهاداته.
ما بقتش مبنية على الوحي ازا لازم يستشير اللي حواليه ما هو وامرهم شوري بينهم - 00:16:32

مستشار اسامة بن زيد مستشار علي بن ابي طالب واستشار زوجته زينب بنت جحش يعمل ايه مع السيدة عائشة؟ يعني يفارقها ولا
يعمل ايه؟ هو هو دلوقتي في حالة ان الشائعات عمالة تدور في المدينة هو مش عارف ايه اللي بيحصل والنبي لا يعرف الغيب - 00:16:53

لا يعرف الغيب والوحي منقطع اسامة ابن زيد قال له دي زوجتك وهي اهلك ولا نعلم عنها الا خيرا. ما حدش شاف عليها حاجة وحشة
ابدا علي اببي طالب قال له يا رسول الله الطلاق شيء وارد - 00:17:15

لكن اسأل اولا رأيي تسأل البنت اللي بتشتغل في البيت ان كانت لاحزت عليها اي حاجة. فالبنت اسمها بريارة اللي هي السيدة اللي
بتشتغل في البيت والذى بعثك بالحق ما رأيت عليها امراً قط اغتصبه. والله ما شفت عليها حاجة وحشة ابدا - 00:17:36

بس عشان الحلفان بصراحة فيها عيب ايه العيب ايه؟ قال لك لما بتتعجن العجين بيروح عليها نومة وتسبيه من غير ما تخبزه فالفراخ
بتدخل تأكل العجينة. الله يسامحك يا شيخة. هو - 00:18:00

ده العيب اللي شفتيه؟ اه هو ده العيب الوحيد. يا شيخة نيجي بقى على السيدة زينب بنت جحش. دي بقى ضرتها اسمع وصف
السيدة عائشة لان زينب هي الوحيدة اللي كانت راسها برأس عائشة - 00:18:14

شابة زيها جميلة زيها المنافسة بتاعتها يعني لو في غيره هيبقى بين الاثنين المفروض قالت عائشة وكان رسول الله صلى الله
عليه وسلم قد سأل زينب بنت جحش عن امري - 00:18:32

فقال لزينب ماذَا عَلِمْتَ أَوْ رَأَيْتَ؟ رأيك ايه شفتي عليها حاجة؟ سمعتي عنها حاجة قالت يا رسول الله احمي سمعي وبصري انا ما
اقدرش اقول اني سمعت ولا شفت منها حاجة وحشة - 00:18:46

والله ما علمت عنها الا خيرا قالت عائشة وهي التي كانت تسامياني من ازواج النبي. فعصمها الله بالورع كانت ورعة والورع هو اللي
حفزها من انها تقع الواقعة دي قالت السيدة عائشة واتفقت اختها تحارب لها فهلقت فيمن هلك - 00:19:06

اختها حاملة حاملة بنت جحش. هي اللي وقعت في الفخ ده واتكلمت في عرضي ورددت الكلام اللي هو يعتبر قفز محصنات. ده من
الكبائر المهم النبي عليه الصلاة والسلام بعد ما سمع الاراء كلها - 00:19:32

كون وجهة نظر وكون رأي وراح يزورها عند ابوها وامها بيت سيدنا ابو بكر الصديق اسمع بقى وصف السيدة عائشة لدخلة النبي كانت
عاملة ازاي خلي بالك ده بعد سنتين من الجواز. يعني عندها حوالى حداشر سنة. دي اللي بيقولوا عليها. كانت صغيرة على الجواز
صغريرة ايه! ده ده بتتكلم بنضج غريب! لاحز بقى النضج في - 00:19:53

جاي كمان بتقول قد بكت ليلتين ويوما. يعني بقى لها ليلتين بتبكي ولا يرقا لي دمع ولا اكتحل بنوم حتى اني لاظن ان البكاء فالق
كبدى. كت حاسة ان البكاء - 00:20:21

هيقطع كبدى العالم بينهار حواليه. يعني هي تروماتايزد عندها الصدمة فيبينا ابواي جالسان عندي وانا ابكي فاستأنست علي امرأة من
الانصار. يعني هي قاعدة في بيت ابوها وامها وابوها وامها قاعددين معه وهي عمالة تعيط - 00:20:39

في امرأة من الانصار خبطة على الباب وقالت ممكن ازور عائشة اتفضلي جلست تبكي معى. ما هو الستات بتجاميل بعض. دي بتبكي
دي تقدر تبكي معها قالت فيبينا نحن على ذلك دخل رسول الله صلى الله عليه وسلم فسلم علينا ثم جلس - 00:21:04

خالد لم يجلس عندي منذ قليل ما قيل قبلها بقى له كتير بقى له بتاع شهر ما بيقدعش معى وهي ما كتنتش فاهمة ليه وقد لبث شهراً لا
يوحى اليه في شأنى بشيء - 00:21:28

وبقى له شهر في حالة انقطاع وحي مش عارف ايه الحقيقة. مش عارف ايه اللي بيحصل طيب بصوا بقى النبي عليه الصلاة والسلام
عمل ايه اعقل راجل في الحالة دي على الاقل هيمسك مراته من كتفيه ازاي؟ يقول لها قولي لي الحقيقة عايز اعرف الحقيقة. يعني

على الاقل - 00:21:46

عايز اعرف الحقيقة لكن بص النبي عمل ايه. عليه الصلاة والسلام دخل قعد على طرف السرير وقال لها كيف تيكم عاملة ايه النهاردة
قالت له الحمد لله قال يا عائشة - 00:22:12

انه بلغني عنك كذا وكذا ان كنت بريئة فسيبرئك الله وان كنت المنشت بذنب فاستغفرى الله وتوبى اليه. فان العبد اذا اعترف ثم تاب
تاب الله عليه ما قلهاش قوله لي - 00:22:32

قال لها لو عملتى حاجة غلط استغفرى بينك وبين ربنا. وتوبى بينك وبين ربنا في راجل يعمل كده ايه ايه الحنان ده اسمع بقى النضج
الشديد بتاع السيدة عائشة وهي سنه حداشر اتناسن سنة - 00:22:56

عشان نعرف البنات من الف وربع عميته سنه كانوا بينضجوا بدرى ولا لأ زي ما كنا بنقول عقليا حتى مش بس جسمانيا عقليا ناضجين
قالت عائشة فلما قضى رسول الله صلى الله عليه وسلم مقالته - 00:23:15

لما خلص كلامه خلاص دمعي يعني دموعي وقفحت حتى ما احس منه قطرة مش حاسة بولا دمعة البكاء وقف بقت حسنة جامدة
فقلت لابي اجب رسول الله عنى. فيما قال - 00:23:31

بابا جاوب مش انت اللي مربيني جاوب قل رأيك في بنتك المفاجأة حسين ابو بكر قال ايه هي بتحكي بتقول فقال ابي والله ما ادري
ما اقول لرسول الله يا نهار ايض - 00:23:51

ازاي ما هو الحاله كانت صعبه جدا. شهر كامل وشائعات شغاله لما الناس يعني حتى ابوها ما فقدوا مش عارفين يقولوا خلي بالك
بص للسيدة عائشة دي دي مش بس ناضجة دي بتختبرهم كلهم دي بتللاعبيهم - 00:24:16

فقلت فقلت لامي اجيبي رسول الله فيما قال. دي بتختبرى امها كمان. طب ها وربيني انت يقى. ده انا ده انت امي اللي مربيني فقالت
امي والله ما ادري ما اقول لرسول الله - 00:24:36

اووه ابوها وامها مش بيدافعوا عنها من كتر الكلام اللي بقى له شهر شغال ومش بيقف باقول لكم زلزال في المجتمع المسلم كله سقة
الناس فيها اهتزت يدافعوا عنها احسن بعدين تطلع عنها غلطانه - 00:24:54

بيدافعوا عنها ازاي ؟ فقال لك نسكت. الكل بيؤثر السكوت اسمع بقى قالت ايه لما ابوها وامها ما دافعوش عنها الحديث في البخاري
فقلت وانا جارية حدثة السن. وانا لسة بنتي صغيرة. لا اقرأ من من القرآن كثيرا. ما نيش حافظة القرآن كثير - 00:25:14

قالت لهم اني والله لقد علمت انكم قد سمعتم هذا الحديث حتى استقر في انفسكم وصدقتم به فلان قلت لكم اني بريئة لا تصدقونى
انا عارفة انكم من كتر ما سمعتم انتم صدقتم في قراره نفسكم الكلام ده عنى. ولو انا قلت لكم اني بريئة مش هتصدقونى. يبقى -
00:25:37

باقول لكم ليه ؟ مش هاقول لكم ولا اني اعترفت لكم بامر ولو اعترفت اني عملت حاجة غلط الله يعلم اني منه بريئة. وربنا عارف
اني ما عملتش حاجة لا تصدقونى. هتصدقونى لو قلت لكم ان انا غلطان. يعني لو قلت لكم انا ما عملتش حاجة مش هتصدقونى. ولو
انا برضو اللي قلت لكم انا عملت حاجة هتصدقونى - 00:26:07

يبقى معلشي الكلام زي قلته اقول لكم ليه؟ ما لوش لزوم الكلام طالما اني لو دافعت عن نفسي مش هتصدقه. ولو اعترفت على نفسي
هتصدقه يبقى ما لوش لزوم الكلام. فوالله لا اجد لي ولكم مثلا - 00:26:31

الا ابا يوسف ونسينت اسم سيدنا يعقوب حين قال فصبر جميل والله المستعان على ما تصفعون ثم تحولت يعني اديتهم ضهرى
واضطجعت على فراشي والله يعلم اني حينند بريئة وان الله - 00:26:47

مبرئي ببراءتي. يعني كانت متأكدة ان ربنا هيرئنها السن ده وعندتها ثقة ويقين في الله ان ربنا رغم كل ده واهتزاز الثقة فيها في كل
العالم ربنا برضو هيرئها واديتهم ضهرها هم والرسول عليه الصلاة والسلام وبص الناحية الثانية ونامت - 00:27:07

بتقول ولكن والله ما كت اظن ابدا ان الله ينزل في شأنى وحيا يتنلى بس ما كتتش اتخيل ان ربنا ينزل في امرى قرآن بيتلى ولشانى
في نفسي كان احر من ان يتكلم الله في بامر - 00:27:33

انا نزرتي لنفسي اقل بكثير انا احقر من ان ربنا يتكلم في من فوق سبع سماوات وينزل في اية في القرآن ربنا ربنا يجيب سيرتي لكنني كنت ارجو ان يرى رسول الله صلى الله عليه وسلم في النوم رؤيا يبرئني الله بها. كنت كل اللي اتمناه ان النبي - 00:27:53
يشوف رؤية يرى رؤية يعني ربنا يخليه يرى رؤية فيها براءتي فكل املي رؤى الانبياء اصلاً رؤى صالحة. اقصى طموحاتها ان النبي
يشوف رؤية فيها برائتها فنزل في ساعتها الوحي على النبي صلى الله عليه وسلم. بقى له شهر ما نزلش. نزل وقتها. وهم في بيت ابو
بكر الصديق. قدامهم كلهم. وجت عليه الصلاة والسلام. جات له - 00:28:15

بتاعة الوحي لما يتلقى الوحي ثم ذهبت عنه واذا به يضحك ويقول يا عائشة اما والله فقد برأك الله فقالت لي امي قومي اليه. قومي
اشكري جوزك قومي اشكري جوزك فقلت والله لا اقوم اليه فاني لا احمد الا الله عز وجل الذي برأني - 00:28:41
انا ما ليش غير ربنا. مش ممكن. مش ممكن النضح وانزل الله دي هي ده حديث في البخاري. وانزل الله اقرأ بقى معي عينك في
المصحف واقرا معي العشر ايات دول - 00:29:11 00:29:25

اللي هم من الاية حداشر اعوذ بالله السميع العليم من الشيطان الرجيم. ان الذين جاءوا بالافك عصبة منكم. لا تحسبوه شرًا لكم بل هو
خير لكم لكل امرئ منهم ما اكتسب من اللائم. والذي تولى كبره منهم له عذاب عظيم. ده كله احنا هنا نقشه بكرة ان شاء الله -

لولا اذ سمعتموه ظن المؤمنون والمؤمنات بانفسهم خيرا و قالوا هذا افك مبين لولا جاؤوا عليه باريبة شهداء. فاذ لم يأتوا بالشهاده
فاولئك عند الله هم الكاذبون ولو لا فضل الله عليكم ورحمته في الدنيا والآخرة لمسكم فيما افضتم فيه عذاب عظيم - 00:29:48
اذ تلقونه بالستنكم وتقولون بافواهكم ما ليس لكم به علم وتحسبونه هينا وهو عند الله عظيم ولو لا اذ سمعتموه قلتكم ما يكون لنا ان
نتكلم بهذا سبحانك هذا بهتان عظيم - 00:30:15

يعظكم الله ان تعودوا لمثله ابدا ان كنتم مؤمنين ويبين الله لكم الآيات والله عظيم حكيم ان الذين يحبون ان تشيع الفاحشة في الذين
امنوا لهم عذاب اليم في الدنيا والآخرة. والله يعلم - 00:30:38

وانتم لا تعلمون ولو لا فضل الله عليكم ورحمته وان الله رءوف رحيم بكرة بازن الله نحل الآيات دى ايات براءة السيدة عائشة ام
المؤمنين رضي الله عنها وارضاها ورضي عن ابيها وارضاها. اسأل الله ان يغفر ذنبنا وان يطهر قلوبنا وان يحسن فروجنا. ونتوقف -
00:30:58

الليلة اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعل الوقوة لنا فيما تحب. وما
زويت عنا مما نحب فاجعله فراغا لنا فيما تحب. اللهم اجعل حبك احب اليها من اهلي - 00:31:27

واموالنا ومن الماء البارد على الظمآن اللهم حببنا اليك والى ملائكتك وانبيائك ورسلك وعبادك الصالحين واجعلنا من يحبك ويفعل
ملائكتك وانبيائك ورسلك وعبادك الصالحين. اللهم احبي قلوبنا بحبك واجعلنا لك كما تحب - 00:31:47

اللهم اجعلنا نحبك بكل قلوبنا ونرضيك بكل اجسادنا. اللهم اجعل حبنا لك وسعينا كله في مرضاتك اللهم اجعل القرآن الكريم ربنا
قلوبنا ونور صدورنا وجلاء احزاننا وذهاب همومنا وغمومنا - 00:32:14

ومغفرة ذنبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا اللهم بحق كل حرف في كتابك
تلوناه او تدبرناه. اكفنا واهلينا شر كل من يكيد لنا ولهم. واحفظنا - 00:32:35

ايهم من شرورهم ونجعلك اللهم في نحورهم. فانت الوكيل ولا حول ولا قوة الا بك اللهم من قضى منا بالوباء المنتشر فاكتبه لها
شهادة ومن كان منا او من احبابنا او من اخواننا او من اخواتنا - 00:32:55

او من مشايخنا او من علمائنا مريضا به او حاما له فالبسه ثوب الصحة والعافية عاجلا غير اجل ومن لم يصب به فقه شره وابعده
عنه ولا تسلطه الا على اعدائك واعداء دينك واعداء اوليائك - 00:33:14

اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك وتعاهدت
على نصرة شريعتك فوثق اللهم رابطتها وادم ودها واهدها سبلها واملأها بنورك الذي لا يحبه - 00:33:36

واشرح صدورها بفيض الايمان بك وجميل التوكل عليك واحيها يا ربنا بمعرفتك وامتها على الشهادة في سبيلك انك نعم المولى ونعم النصير. والسلام عليكم ورحمة الله وبركاته. ونراكم غدا باذن الله في نفس هذا الموعد. ان كنا من اهل الدنيا - 00:33:58